

**O‘zbekiston Respublikasi Raqamli texnologiyalar vazirligi stipendiyasini
tayinlash tartibi to‘g‘risida
NIZOM**

1. Mazkur Nizom Vazirlar Mahkamasining 2018-yil 1-maydagi 318-son qarori bilan tasdiqlangan “O‘zbekiston Respublikasi Axborot texnologiyalari va kommunikatsiyalarini rivojlantirish vazirligi to‘g‘risida nizom”ga muvofiq soha ta’lim muassasalarining talaba va o‘quvchilariga O‘zbekiston Respublikasi Raqamli texnologiyalar vazirligi stipendiyasi (keyingi o‘rinlarda – Vazirlik stipendiyasi)ni tayinlash va to‘lash tartibini belgilaydi.

2. Vazirlik stipendiyasi o‘qishda, ilmiy izlanishlarda hamda ijtimoiy hayotda muvaffaqiyatlarga erishgan Muhammad al-Xorazmiy nomidagi Toshkent axborot texnologiyalari universiteti (keyingi o‘rinlarda – TATU) va uning filiallari, Toshkent shahridagi Inha universiteti, Toshkent shahridagi Amiti universiteti bakalavriat (kunduzgi va masofaviy) ta’lim yo‘nalishlari bo‘yicha 1-2-3-bosqichni tamomlagan talabalari hamda TATU va uning filiallari qoshidagi akademik litseylarning o‘quvchilari (keyingi o‘rinda – Vazirlik tizimidagi ta’lim muassasalarining talaba va o‘quvchilari) uchun O‘zbekiston Respublikasi Raqamli texnologiyalar vazirligi stipendiyasiga talabgorlarni saralash bo‘yicha Ishchi guruhi qarori asosida Vazirlikning ‘buyrug‘iga‘ muvofiq‘ tayinlanadi.

3. Har o‘quv yilida Vazirlik stipendiyasi kvotasi ta’lim muassasalari bo‘yicha quyidagicha taqsimlanadi:

TATUga – **10 ta**;

TATU filiallarining har biriga **3 tadan**;

Toshkent shahridagi Inha universitetiga – **5 ta**;

Toshkent shahridagi Amiti universitetiga – **5 ta**;

TATU va uning filiallari qoshidagi akademik litseylarning har biriga **1 tadan**.

Shuningdek, imkoniyati cheklangan talabalarni qo‘llab-quvvatlash va jamiyatda ijtimoiy faolligini oshirish maqsadida, ushbu talabalar uchun **6 ta** qo‘shimcha kvota ajratiladi. Ajratilgan kvota Vazirlik tizimidagi oliy ta’lim muassasalari uchun umumiy hisoblanadi.

4. Vazirlik stipendiyasi:

Vazirlik stipendiyasining **bir oylik miqdori** TATU va uning filiallari, Toshkent shahridagi Inha universiteti, Toshkent shahridagi Amiti universiteti (keyingi o‘rinlarda – Vazirlik tizimidagi oliy ta’lim muassasalari) talabalari uchun bazaviy hisoblash miqdorining **5,0 barobari**, litseylarning o‘quvchilari uchun bazaviy hisoblash miqdorining **2,0 barobari** miqdorida belgilanadi.

Shuningdek, Vazirlik tizimidagi oliy ta’lim muassasalari talabalarining to‘lov-shartnoma asosida belgilangan to‘lov miqdoridan sarhisob qilib berilishi mumkin.

5. Sovrindorlar Vazirlik tomonidan **sentabr-oktabr oylarida** tashkil etiladigan tadbirda Raqamli texnologiyalar vaziri tomonidan Vazirlik stipendiyasi sohibi ekanligini ko'rsatuvchi maxsus sertifikat bilan taqdirlanadilar.

6. Vazirlik stipendiyalari xarajatlari Raqamli texnologiyalarni rivojlantirish jamg'armasi mablag'lari hisobidan qoplanadi.

7. Vazirlik stipendiyasiga Vazirlik tizimidagi ta'lim muassasalarining talaba va o'quvchilari talabgor bo'lishlari mumkin. Shuningdek:

Vazirlik tizimidagi oliy ta'lim muassasalari talabalari uchun o'quv yili yakuniga (ikkala semestr natijalariga) ko'ra o'rtacha o'zlashtirish GPA bali, Vazirlik tizimidagi har bir oliy ta'lim muassasasi talabalari uchun belgilangan eng yuqori GPA balining **76 foiz va undan yuqori**.

8. O'zbekiston Respublikasi Prezidenti va nomli davlat stipendiyalari, shuningdek, Muhammad al-Xorazmiy stipendiyasi sovrindorlariga bir yilda Vazirlik stipendiyasi tayinlanishiga ruxsat berilmaydi.

Shuningdek, Vazirlik stipendiyasi sovrindorlari Vazirlik stipendiyasiga talabgor bo'la olmaydilar.

9. Iqtidorli o'quvchi va talabalar uchun saralash tanlovining shaffofligi va ochiqligini ta'minlash maqsadida, Vazirlik stipendiyasiga talabgor bo'lish onlayn tarzda amalga oshiriladi. Bunda talabgorlar tomonidan "O'zbekistonning IT-iste'dodlari" (<https://it-istedod.uz/>) portali orqali barcha hujjatlar onlayn taqdim etiladi.

10. Vazirlik stipendiyasi to'g'risidagi barcha ma'lumotlar Vazirlik va tizimdagi ta'lim muassasalari veb-saytiga joylashtirilishi hamda ijtimoiy tarmoqlarda yoritib borilishi lozim.

11. Tarkibi Vazirlik buyrug'i bilan tasdiqlanadigan Ishchi guruh iqtidorli talabalarni ajratib olish uchun talabgorlar hujjatlarini atroflicha o'rganib chiqadi hamda belgilangan mezonlarga muvofiq Vazirlik stipendiyasi sovrindorlarini aniqlaydi.

12. Ishchi guruh:

Vazirlik markaziy apparati hamda tizimdagi korxonalar va tashkilotlar mutaxassislaridan iborat tarkibda tasdiqlanadi va jamoatchilik asosida doimiy faoliyat yuritadi;

Vazirlik stipendiyasi talabgorlarining hujjatlarini o'rganish va saralash bilan shug'ullanadi;

talabgorlarning baholash natijalari ushbu nizomning 1 va 2-ilovalarida keltirilgan O'zbekiston Respublikasi Raqamli texnologiyalar vazirligi stipendiyasi talabgorlarini baholash mezonlariga muvofiq aniqlanadi hamda zarur hollarda ular bilan yuzma-yuz yoki videokonferensiya usullarida suhbat o'tkazadi;

Vazirlik stipendiyasini belgilash to'g'risidagi masalani muhokama qiladi, qaror qabul qiladi va qaror bayoni nusxasini Vazirlik buyrug'ini qabul qilish uchun asos sifatida taqdim qiladi;

Ishchi guruhning qarori yakuniy hisoblanadi, apellatsiya qabul qilinmaydi.

Shuningdek, Vazirlik stipendiyasi talabgorlarining hujjatlarini o'rganish va saralash mustaqil tashkilotlar tomonidan o'tkazilishi mumkin.

13. Vazirlik stipendiyasi sovrindorlarini aniqlash talabgorlar orasidan eng yuqori ko'rsatkichga ega bo'lgan Vazirlik tizimidagi har bir ta'lim muassasasi bo'yicha alohida aniqlanadi.

Shuningdek, imkoniyati cheklangan talabalar uchun ajratilgan kvota Vazirlik tizimidagi oliy ta'lim muassasalari uchun umumiy hisoblanadi.

14. Vazirlik stipendiyasini tayinlashga talabgorlar tegishliligi bo'yicha mazkur nizomning 1 va 2-ilovalardagi talablar asosida onlayn tarzda quyidagi hujjatlar taqdim etiladi:

Vazirlik tizimidagi oliy ta'lim muassasalari talabalari uchun o'rnatilgan tartibdagi o'rtacha o'zlashtirish GPA bali to'g'risidagi ma'lumotnoma;

akademik litseylarning o'quvchilari uchun reyting (sinov) daftarchasi nusxasi;

imkoniyati cheklangan talabalar uchun nogironligi to'g'risidagi ma'lumotnoma nusxasi;

xalqaro ilmiy jurnallarda chop etilgan maqolalari nusxasi;

xorijiy tilni bilish darajasidagi sertifikati hamda xalqaro IT-sertifikatining nusxasi;

mahalliy va xalqaro darajadagi hakaton yoki IT-tanlovlardagi ishtirokini tasdiqlovchi hujjatning, shuningdek, agar tanlovlarda sovrindor bo'lgan bo'lsa tegishli diplom (sertifikat)ning nusxasi;

o'quvchilar uchun xalqaro yoki respublika fan olimpiadalarida ishtirok etganligi, shuningdek, ushbu fan olimpiadalarida sovrindor bo'lgan bo'lsa tegishli diplom (sertifikat)ning nusxasi;

o'quvchilarning o'ziga oid uning maqsadlari, shuningdek narsa va hodisalarga subyektiv fikrlari bayon etilgan erkin mavzuda esse;

o'quvchilarning ijtimoiy faolligi (ma'naviy-ma'rifiy hamda turli xil yoshlar tadbirlarida ishtiroki) bo'yicha asoslovchi hujjatlarning nusxalari va boshqa qo'shimcha ma'lumotlar;

ICPC dasturlash olimpiadasida ishtirokini tasdiqlovchi hujjatning, shuningdek, agar tanlovlarda sovrindor bo'lgan bo'lsa tegishli diplom (sertifikat)ning nusxasi;

Vazirlik tadbirlarida volontyorlik faoliyatini tasdiqlovchi tegishli diplom (sertifikat)ning nusxasi;

Vazirlik Ishchi guruhi zarur hollarda hujjatlarning asl nusxalarini taqdim qilishni talab etishga haqli. Vazirlik Ishchi guruhi zarur hollarda hujjatlarning asl nusxalarini taqdim qilishni talab etishga haqli.

15. Vazirlik stipendiyasiga onlayn ro'yxatdan o'tish va hujjatlarni qabul qilish hamda sovrindorlarni aniqlash Vazirlik tizimidagi ta'lim muassasalarida

o'quv yili yakunlangandan so'ng **iyul-avgust oylarida** Ishchi guruh taklifiga ko'ra Vazir tomonidan belgilanadi.

Vazirlik stipendiyasini tayinlash O'zbekiston Respublikasi Prezidenti va nomli davlat stipendiyalari, shuningdek, Muhammad al-Xorazmiy stipendiyasi sovrindorlari aniq bo'lgandan so'ng amalga oshiriladi.

16. Vazirlik stipendiyasi sovrindorlari Vazirlik buyrug'i asosida tasdiqlanadi va bir o'quv yili uchun tayinlanadi hamda Vazirlik tizimidagi ta'lim muassasalari tomonidan **oyma-oy** to'lab boriladi.

Bir o'quv yili mazkur tartibga ko'ra, bir kalendar yilining sentabr oyidan boshlab, keyingi kalendar yilining iyun oyiga qadar **10 oy** deb belgilanadi.

17. Vazirlik stipendiyasi tayinlangan talaba va o'quvchilar ta'lim muassasalari ilmiy, o'quv (pedagogik) kengashlarining yig'ilishida tantanali ravishda e'lon qilinadi.

Shuningdek, Vazirlik stipendiyasi sovrindorlari va ularning ishlanmalari, ilmiy-ijodiy ishlari to'g'risidagi ma'lumotlar Vazirlik hamda ta'lim muassasalari veb saytlarida, shuningdek, ijtimoiy tarmoqlarda muntazam ravishda keng yoritilib boriladi.

18. Vazirlik stipendiyasi sovrindorlariga o'zlari ta'lim olayotgan ta'lim muassasasidan malakali ustoz-murabbiylar (ilmiy rahbarlar) biriktiriladi va o'quv yili so'ngida o'qish va ijtimoiy hayotdagi yutuqlari, amalga oshirgan ishlari to'g'risida ta'lim muassasasi tomonidan Vazirlikka hisobot taqdim qiladilar.

Vazirlik stipendiyasi sovrindorlariga biriktirilgan malakali ustoz-murabbiylar (ilmiy rahbarlar) o'quv yili davomida erishgan ijobiy natijalariga ko'ra Vazirlik tavsiyasiga asosan ta'lim muassasasi tomonidan bir martalik moddiy rag'batlantirilishi mumkin.

19. Vazirlik stipendiyasi sovrindorlari grant asosida xorijga o'qishga yuborilayotgan yoshlar guruhlari tarkibiga kiritilishda ustunlikka ega bo'ladilar.

20. Vazirlik stipendiyasi tayinlangan talaba va o'quvchilarga kundalik darslarni o'zlashtirishda, o'quv intizomi va odob-ahloq qoidalarini buzgan va ularga nisbatan intizomiy jazo choralari qo'llangan holatlarda ta'lim muassasalari ilmiy, o'quv (pedagogik) kengashlarining murojaatiga ko'ra, Vazirlik tomonidan stipendiya berilishi to'xtatilishi mumkin.

**Vazirlik tizimidagi oliy ta’lim muassasalari uchun O‘zbekiston Respublikasi
raqamli texnologiyalar vazirligi stipendiyasi talabgorlarini
BAHOLASH MEZONLARI**

T/r	Baholash mezonlari	Ball
1)	Talabgorning so‘ngi ikki semestrda fanlardan olgan baholarining o‘rtacha miqdoriga ko‘ra	20 ball
	<i>agar talabgorning o‘rtacha GPA bali – 76-80 foiz bo‘lsa</i>	<i>10 ball</i>
	<i>agar talabgorning o‘rtacha GPA bali – 81-85 foiz bo‘lsa</i>	<i>12 ball</i>
	<i>agar talabgorning o‘rtacha GPA bali – 86-90 foiz bo‘lsa</i>	<i>15 ball</i>
	<i>agar talabgorning o‘rtacha GPA bali – 91-100 foiz bo‘lsa</i>	<i>20 ball</i>
2)	Talabgorning xalqaro ilmiy jurnallardagi maqolalari	10 ball
	<i>boshqa xalqaro ilmiy jurnallarda</i>	<i>5 ball</i>
	<i>“Scopus” ilmiy bazasi ro‘yhatidagi ilmiy jurnallarda</i>	<i>10 ball</i>
	<i>agar talabgor xalqaro ilmiy jurnallarda maqolasi mavjud bo‘lmasa</i>	<i>0 ball</i>
3)	Xorijiy tillarni bilish darajasi*	20 ball
	<i>agar talabgor B1 darajadagi xorijiy til sertifikatiga ega bo‘lsa</i>	<i>10 ball</i>
	<i>agar talabgor B2 darajadagi xorijiy til sertifikatiga ega bo‘lsa</i>	<i>15 ball</i>
	<i>agar talabgor C1 va undan yuqori darajadagi xorijiy til sertifikatiga ega bo‘lsa</i>	<i>20 ball</i>
	<i>agar talabgor xorijiy til sertifikatiga ega bo‘lmasa</i>	<i>0 ball</i>
4)	Xalqaro IT-sertifikat mavjudligi**	20 ball
	<i>agar talabgor boshlang‘ich darajadagi sertifikatga ega bo‘lsa</i>	<i>10 ball</i>
	<i>agar talabgor o‘rta darajadagi sertifikatga ega bo‘lsa</i>	<i>15 ball</i>
	<i>agar talabgor professional darajadagi sertifikatga ega bo‘lsa</i>	<i>20 ball</i>
	<i>agar talabgor xalqaro IT-sertifikatiga ega bo‘lmasa</i>	<i>0 ball</i>
5)	Mahalliy va xorijiy hakaton yoki IT-tanlovlardagi ishtiroki	15 ball
	<i>respublika darajadagi tanlovda ishtirok etsa</i>	<i>5 ball</i>
	<i>respublika darajadagi tanlovda sovrindor bo‘lsa</i>	<i>10 ball</i>
	<i>xalqaro darajada tanlovda ishtirok etsa</i>	<i>10 ball</i>
	<i>xalqaro darajadagi tanlovda sovrindor bo‘lsa</i>	<i>15 ball</i>
	<i>ishtirok etmagan bo‘lsa</i>	<i>0 ball</i>
6)	ICPC dasturlash olimpiadasida qatnashish	10 ball
	<i>agar talabgor ICPC olimpiadasining chorakfinal bosqichida qatnashgan bo‘lsa</i>	<i>3 ball</i>
	<i>agar talabgor ICPC olimpiadasining chorakfinal bosqichida TOP 20 ga kirgan bo‘lsa</i>	<i>5 ball</i>
	<i>agar talabgor ICPC olimpiadasining chorakfinal bosqichida TOP 3 ga kirgan bo‘lsa</i>	<i>7 ball</i>
	<i>agar talabgor ICPC olimpiadasining yarimfinal bosqichida TOP 20 ga kirgan bo‘lsa</i>	<i>10 ball</i>
	<i>ishtirok etmagan bo‘lsa</i>	<i>0 ball</i>
7)	Vazirlik tadbirlarida volontyorlik faoliyati uchun (vazirlik tomonidan sertifikat taqdim etilgan bo‘lsa) ***	5 ball
	<i>agar talabgor Vazirlik 3 tagacha tadbirlarida volontyorlik faoliyatini yuritgan bo‘lsa</i>	<i>3 ball</i>
	<i>agar talabgor Vazirlik 3 tadan ortiq tadbirlarida volontyorlik faoliyatini yuritgan bo‘lsa</i>	<i>5 ball</i>
Jami		100 ball

**Akademik litseylar uchun O‘zbekiston Respublikasi Raqamli texnologiyalar
vazirligi stipendiyasi talabgorlarini
BAHOLASH MEZONLARI**

T/r	Baholash mezonlari	Ball
1)	Talabgorning so‘ngi ikki semestrda fanlardan olgan baholarining o‘rtacha miqdoriga ko‘ra	20 ball
	<i>agar talabgorning o‘rtacha bahosi 4-4.29 baho bo‘lsa</i>	<i>10 ball</i>
	<i>agar talabgorning o‘rtacha bahosi 4.3-4.69 baho bo‘lsa</i>	<i>15 ball</i>
	<i>agar talabgorning o‘rtacha bahosi 4.7-5 baho bo‘lsa</i>	<i>20 ball</i>
3)	Xorijiy tillarni bilish darajasi*	20 ball
	<i>agar talabgor B1 darajadagi xorijiy til sertifikatiga ega bo‘lsa</i>	<i>10 ball</i>
	<i>agar talabgor B2 darajadagi xorijiy til sertifikatiga ega bo‘lsa</i>	<i>15 ball</i>
	<i>agar talabgor C1 va undan yuqori darajadagi xorijiy til sertifikatiga ega bo‘lsa</i>	<i>20 ball</i>
	<i>agar talabgor xorijiy til sertifikatiga ega bo‘lmasa</i>	<i>0 ball</i>
4)	Xalqaro IT-sertifikat mavjudligi**	20 ball
	<i>agar talabgor boshlang‘ich darajadagi sertifikatga ega bo‘lsa</i>	<i>10 ball</i>
	<i>agar talabgor o‘rta darajadagi sertifikatga ega bo‘lsa</i>	<i>15 ball</i>
	<i>agar talabgor professional darajadagi sertifikatga ega bo‘lsa</i>	<i>20 ball</i>
	<i>agar talabgor xalqaro IT-sertifikatiga ega bo‘lmasa</i>	<i>0 ball</i>
5)	Fan olimpiadalaridagi ishtiroki	20 ball
	<i>respublika darajadagi fan olimpiadasida ishtirok etsa</i>	<i>8 ball</i>
	<i>respublika darajadagi fan olimpiadasida sovrindor bo‘lsa</i>	<i>15 ball</i>
	<i>xalqaro darajada fan olimpiadasida ishtirok etsa</i>	<i>10 ball</i>
	<i>xalqaro darajadagi fan olimpiadasida sovrindor bo‘lsa</i>	<i>20 ball</i>
	<i>ishtirok etmagan bo‘lsa</i>	<i>0 ball</i>
6)	Mahalliy va xorijiy hakaton yoki IT-tanlovlardagi ishtiroki	10 ball
	<i>respublika darajadagi tanlovda ishtirok etsa</i>	<i>5 ball</i>
	<i>respublika darajadagi tanlovda sovrindor bo‘lsa</i>	<i>7 ball</i>
	<i>xalqaro darajada tanlovda ishtirok etsa</i>	<i>7 ball</i>
	<i>xalqaro darajadagi tanlovda sovrindor bo‘lsa</i>	<i>10 ball</i>
	<i>ishtirok etmagan bo‘lsa</i>	<i>0 ball</i>
7)	Umumiy faoliyati	10 ball
	<i>talabgor tomonidan yozilgan esse</i>	<i>5 ball</i>
	<i>Ijtimoiy faolligi (ma‘naviy-ma‘rifiy hamda turli xil yoshlar tadbirlarida ishtiroki)</i>	<i>5 ball</i>
Jami		100 ball

Baholash mezonlariga Raqamli texnologiyalar vazirligi tomonidan tizimdagi ta‘lim muassasalari takliflariga asosan o‘zgartirish va qo‘shimchalar kiritilishi mumkin.

** Mazkur mezon tegishli normativ-huquqiy hujjat bilan tasdiqlangan xorijiy tillarni bilish darajasini baholovchi xalqaro tan olingan sertifikatlar ro‘yxatiga muvofiq baholanadi.*

*** Mazkur mezon Raqamli texnologiyalar vazirlirigi tasdiqlangan va it-istedod.uz portalida e‘lon qilingan xalqaro IT-sertifikatlar ro‘yxatiga muvofiq baholanadi.*

**** Mazkur mezon vazirlik tomonidan berilgan sertifikat orqali baholanadi, sertifikatlar joriy o‘quv yili davomida olingan bo‘lishi kerak.*